



სატენდერო დოკუმენტაცია

კომპიუტერული მოწყობილობები და აქსესუარები

(CPV 30200000)

გამარტივებული ელექტრონული ტენდერი

2016 წელი

ს ა რ ზ ე ვ ი

1. ტექნიკური დავალება _____	3
2. სატენდერო წინადადების ფასის გაანგარიშება _____	3
3. ფასის ადეკვატურობის დამადასტურებელი დოკუმენტების მოთხოვნა _____	4
4. ანგარიშსწორების პირობები _____	4
5. საქონლის მოწოდების ვადები, ადგილი და პირობები _____	5
6. პრეტენდენტის ტექნიკური დოკუმენტაცია _____	5
7. პრეტენდენტის ტექნიკური დოკუმენტაცია _____	5
8. დამატებითი ინფორმაცია _____	6
9. სახელმწიფო შესყიდვის შესახებ ხელშეკრულების პროექტი _____	7
10. დანართი №1 (რეკვიზიტები) _____	11
10. დანართი №2 (ფასების ცხრილი) _____	12

ტექნიკური დავალება

1. შესყიდვის ობიექტი:

1.1. შესყიდვის ობიექტია შემდეგი დასახელების, რაოდენობისა და ტექ. მახასიათებლების მქონე კომპიუტერული ტექნიკის აქსესუარები და მასალა:

№	დასახელება	ტექ. მახასიათებლები.	ზომის ერთეული	რაოდენობა	გარანტიის მოთხოვნა/არანაკლებ
1	2	3	4	5	
1	თერმოპასტა	პროცესორის, 30გრ	ცალი	3	მოწოდებიდან 12 თვე
2	SSD მყარი დისკი	ტექნოლოგია: SSD, ფორმაფაქტორი: 2.5", მოცულობა: 200-300 GB, თანმიმდევრული წაკითხვის სიჩქარე: 191 MB/წ, თანმიმდევრული ჩაწერის სიჩქარე: 142 MB/წ, ინტერფეისი: SATA 3.0 (6Gb/s)	ცალი	6	ქარხნული გარანტია მოწოდებიდან 24 თვე
3	გარე მეხსიერების მყარი დისკი	ინტერფეისი : USB 3.0, მოცულობა : 1000GB, ბრუნვის სიჩქარე არანაკლებ : 5400 ბრ/წთ	ცალი	2	ქარხნული გარანტია მოწოდებიდან 24 თვე
4	გარე მეხსიერების მყარი დისკი	ინტერფეისი : USB 3.0, მოცულობა : 3TB, ბრუნვის სიჩქარე არანაკლებ : 5400 ბრ/წთ	ცალი	1	ქარხნული გარანტია მოწოდებიდან 24 თვე
5	ოპერატიული მეხსიერება	Ram 8GB, DDR3-1600	ცალი	20	ქარხნული გარანტია მოწოდებიდან 24 თვე
6	კვების ბლოკი	სიმძლავრე: 500 W, შემავალი მუხტი: 200- 240 V, SATA: 4 x 15-pin, IDE (Peripheral 4-Pin): 3, დედა დაფის კვება (MB): 1 x 20+4-pin, პროცესორის კვება (CPU12V): 1 x 4+4-pin	ცალი	5	ქარხნული გარანტია მოწოდებიდან 24 თვე
7	კვების ბლოკი	სიმძლავრე: 700 W, შემავალი მუხტი: 115- 230 V, ნომინალური დენის ძალა: 10 A, დედა დაფის კვება (MB): 1 x 20+4-pin, პროცესორის კვება (CPU12V): 1 x 4+4-pin, ვიდეო დაფის კვება (PCI-E): 4 x 6+2-pin, SATA: 6 x 15-pin, IDE (Peripheral 4-Pin): 4 , მოხსნადი კვების კაბელები	ცალი	2	ქარხნული გარანტია მოწოდებიდან 24 თვე
8	დედა პლატა	სოკეტი: LGA 1155 ჩიპსეტი: H61 ზომა: Micro ATX	ცალი	7	ქარხნული გარანტია მოწოდებიდან 24 თვე
9	მაუსი	USB მაუსი	ცალი	20	ქარხნული გარანტია მოწოდებიდან 12 თვე
10	კლავიატურა	USB კლავიატურა სტანდარტული	ცალი	10	ქარხნული გარანტია მოწოდებიდან 12 თვე

1.2. მოწოდებული საქონელი უნდა იყოს დამზადებული ქარხნული წესით, ორიგინალი და უნდა შეესაბამებოდეს მწარმოებლის მიერ დადგენილ სტანდარტებს;

1.3. მოწოდებული საქონელი უნდა იყოს არაადდგენილი, ქარხნული შეფუთვით, მწარმოებლის ბრენდ კოლოფში და მარკირებული მწარმოებლის ლოგოტიპიანი დამცავი ჰოლოგრამით;

1.4. კოლოფზე/შეფუთვაზე, რომელშიც მოსაწოდებელი საქონელია მოთავსებული, დატანილი უნდა იყოს მწარმოებელი ქვეყანა, მწარმოებელი კომპანიისა და ბრენდის დასახელება.

2. სატენდერო წინადადების ფასის გაანგარიშების მეთოდი:

2.1. შესყიდვის სავარაუდო ღირებულება შეადგენს **6,433 ლარს დღგ-ს გარეშე**;

2.2. სატენდერო წინადადების ფასი გამოსახული უნდა იყოს ეროვნულ ვალუტაში - ლარში

2.3. სატენდერო წინადადების ფასში პრეტენდენტმა უნდა გაითვალისწინოს, ტექნიკური დავალების შესაბამისად, შემსყიდველისათვის საქონლის მიწოდებასთან დაკავშირებული ყველა ხარჯი (მათ შორის ტრანსპორტირება და დაცლა/დასაწყობება) და ყველა შესაბამისი გადასახადი **გარდა დამატებითი ღირებულების გადასახადისა (დ.ღ.გ).**

2.4. პრეტენდენტმა სატენდერო წინადადების ფასში **არ უნდა გაითვალისწინოს დ.ღ.გ.** მიუხედავად იმისა, არის თუ არა იგი დ.ღ.გ-ს გადამხდელი საქართველოს კანონმდებლობის შესაბამისად.

2.5. თუ ხელშეკრულების დადების მომენტისათვის, მომწოდებელი არის დამატებითი ღირებულების გადამხდელი საქართველოს კანონმდებლობის მოთხოვნათა შესაბამისად - შემსყიდველი ვალდებულია ხელშეკრულების ღირებულებაში გაითვალისწინოს სატენდერო წინადადების საბოლოო ფასის შესაბამისი დ.ღ.გ-ს ოდენობა (ანუ, დღგ-ს შესაბამისი თანხა დაემატება სატენდერო წინადადების საბოლოო ფასს)

2.6. თუ ხელშეკრულების დადების მომენტისათვის, მომწოდებელი არის დამატებული ღირებულების გადასახადის გადამხდელი, მან შემსყიდველის მოთხოვნის შესაბამისად , უნდა წარმოადგინოს (ელექტრონულად) სატენდერო წინადადების საბოლოო ფასის შესაბამისი ხარჯთაღრიცხვა დ.ღ.გ.-ს გათვალისწინებით.

3. ფასწარმოქმნის ადეკვატურობის დამადასტურებელი დოკუმენტების მოთხოვნა:

3.1. იმ შემთხვევაში თუ ტენდერში ყველაზე დაბალი ფასის მქონე წინადადების წარმომდგენი პრეტენდენტის მიერ, სისტემაში დაფიქსირებული საბოლოო ფასი 20 %-ით ან მეტით დაბალი იქნება შესყიდვის ობიექტის სავარაუდო ღირებულებაზე **(6433 ლარი)**, შემსყიდველი პრეტენდენტისაგან მოითხოვს ფასწარმოქმნის ადეკვატურობის დასაბუთებას.

3.2. 4.1 პუნქტით გათვალისწინებულ შემთხვევაში, პრეტენდენტმა, შემსყიდველის მიერ მითითებულ ვადებში, ელექტრონული სისტემის მეშვეობით უნდა წარმოადგინოს შესყიდვის ობიექტის მიწოდებასთან დაკავშირებული, პრეტენდენტის მერ გაფორმებული ერთ-ერთი ქვემოთ ჩამოთვლილი დოკუმენტთაგანი:

- ხელშეკრულება
- ანგარიშ-ფაქტურა
- ინვოისი

წარმოდგენილი დოკუმენტი უნდა ადასტურებდეს პრეტენდენტის მიერ დაფიქსირებულ ფასად ხელშეკრულებით საკისრებელი ვალდებულებების შესრულების შესაძლებლობას.

4. ანგარიშსწორების ვადები და პრობები:

- 4.1. ანგარიშსწორება მიმწოდებელთან განხორციელდება შესყიდვის ობიექტის სრულად მოწოდების შემდეგ, მხარეთა მიერ, შესაბამისი მიღება-ჩაბარების აქტის გაფორმებიდან 10 სამუშაო დღის განმავლობაში
- 4.2. ანგარიშსწორება განხორციელდება ეროვნულ ვალუტაში - ლარში;
- 4.3. ანგარიშსწორების ფრომა იქნება უნაღდო ანგარიშსწორება, თანხა ჩაირიცხება მომწოდებლის მიერ ხელშეკრულებაში მითითებულ საბანკო რეკვიზიტებზე;
- 4.4. შესყიდვა არ ითვალისწინებს საავანსო ანგარიშსწორებას;

5. მოწოდების პირობები, ვადები და ადგილი:

- 5.1. მიმწოდებელმა უნდა უზრუნველყოს შესყიდვის ობიექტის მოწოდება და დაცლა/დასაწყობება შემდეგ მისამართზე – ქ. თბილისი, მარშალ გელოვანის №6;
- 5.2. შესყიდვის ობიექტის მოწოდება უნდა განხორციელდეს ხელშეკრულების გაფორმებიდან 14 კალენდარული დღის განმავლობაში;

6. გარანტია:

- 6.1. მოწოდებულ საქონელზე უნდა ვრცელდებოდეს გარანტია სატენდერო დოკუმენტაციის 1.1. პუნქტში მოცემული ცხრილის მე-5 სვეტში აღნიშნულ მოთხოვნათა შესაბამისად;
- 6.2. საგარანტიო ვადის მოქმედების მანძილზე, ექსპლუატაციის პროცესში, მოწოდებული საქონელის მიერ გამოვლენილი დეფექტისა და ხარვეზის შემთხვევაში, მომწოდებელი ვალდებული იქნება საკუთარი სახსრებით უზრუნველყოს წუნდებული საქონლის ახლით შეცვლა.

7. პრეტენდენტის ტექნიკური დოკუმენტაცია - ელექტრონულად წარმოსადგენი ინფორმაციის ჩამონათვალი:

- 7.1. პრეტენდენტის რეკვიზიტები (სრული დასახელება, საბანკო რეკვიზიტები, იურიდიული და ფაქტიური მისამართი, ელ.ფოსტა, საკონტაქტო ტელეფონი, ხელმძღვანელისა და/ან ხელმოწერაზე უფლებამოსილი პირის ვინაობა) დანართი №1-ის შესაბამისად;
- 7.2. პრეტენდენტის შესაბამისად უფლებამოსილი პირის მიერ ხელმოწერილი ფასების ცხრილი - დანართი №2-ის შესაბამისად;
- 7.3. პრეტენდენტის მიერ წარმოდგენილი ფასების ცხრილი აუცილებლად უნდა შეესაბამებოდეს სატენდერო დოკუმენტაციის დანართი №2-ს და მასში აუცილებლად უნდა იყოს მითითებული შემოთავაზებული საქონლის მწარმოებელი ქვეყანა და კომპანია;
- 7.4. იმ შემთხვევაში თუ წარმოდგენილ ფასების ცხრილში არ იქნება მითითებული შემოთავაზებული საქონლის მწარმოებელი ქვეყანა და კომპანია, პრეტენდტი დისკვალიფიცირებული იქნება ტენდერიდან;

8. დამატებითი ინფორმაცია:

8.1. ტენდერში მონაწილეობის მიღებით პრეტენდენტი ეთანხმება სატენდერო დოკუმენტაციის ყველა მოთხოვნასა და პირობას;

8.2. პრეტენდენტის მიერ, სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის შესაბამისად უფლებამოსილი პირის მიერ;

8.3. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა, ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის „კითხვა/პასუხის“ მოდულის მეშვეობით;

8.4. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირია სატენდერო კომისიის აპარატის წევრი **ფრიდონ ალავიძე**.

საკონტაქო ინფორმაცია:

სსიპ - სურსათის ეროვნული სააგენტო
ქ. თბილისი, მარშალ გელოვანის №6 ოთახი №210
ტელ: (+995 032) 291 91 91 67 (შიდა 30-71); 599 85 09 29
ელ.ფოსტა: fridon.alavidze@nfa.gov.ge

სახელმწიფო შესყიდვის შესახებ

ხელშეკრულება №

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად.

წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

_____ 2016 წ.

ერთის მხრივ საქართველოს სოფლის მეურნეობის სამინისტროს ს.ს.ი.პ – სურსათის ეროვნული სააგენტო (შემდგომში “შემსყიდველი”) წარმოდგენილი სააგენტოს უფროსის ზურაბ ჩეკურაშვილის სახით და მეორეს მხრივ, _____ (შემდგომში “მიმწოდებელი”) წარმოდგენილი მისი _____ სახით, “სახელმწიფო შესყიდვის შესახებ” საქართველოს კანონისა და პრეტენდენტის (დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.
- 1.3. “დღე”, “კვირა”, “თვე” - კალენდარული დღე, კვირა, თვე.
- 1.4. “საქონელი” – ხელშეკრულების მე-2 მუხლით გათვალისწინებული ხელშეკრულების საგანი.
- 1.5. “ტექნიკური დავალება” - სატენდერო დოკუმენტაციის ტექნიკური დავალება,
- 1.6. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 ხელშეკრულების საგანს წარმოადგენს სსიპ სურსათის ეროვნული სააგენტოსათვის კომპიუტერული მოწყობილობებისა და აქსესუარების (CPV 30200000) მიწოდება;
- 2.2 მოსაწოდებელი საქონლის დასახელება, სპეციფიკაცია, რაოდენობა და ერთეულის ფასი მოცემულია წინამდებარე ხელშეკრულების დანართი №1-ში

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს _____ (თანხა სიტყვიერად) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის საბოლოო მოწოდებასთან დაკავშირებულ, მიმწოდებლის ყველა ხარჯს და საქართველოს კანონმდებლობით გათვალისწინებულ ყველა შესაბამის გადასახადებს.

4. მომსახურების გაწევის ვადები და ადგილი

- 4.1. საქონელი მიწოდებული უნდა განხორციელდეს ხელშეკრულების გაფორმებიდან 14 კალენდარული დღის განმავლობაში
- 4.2. საქონელის მიწოდება (დაცლა/დასაწყობებით) უნდა განხორციელდეს შემდეგ მისამართზე – ქ. თბილისი, მარშალ გელოვანის №6.

5. მიღება-ჩაბარების წესი

5.1. ფაქტიურად მოწოდებულ საქონელზე მხარეებს შორის გაფორმდება მიღება-ჩაბარების აქტი შესაბამისი ღირებულების ასახვით;

5.2. შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირი განისაზღვრება ხელშეკრულების დადების მომენტისათვის.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში, შესაბამისი მიღება-ჩაბარების აქტის გაფორმების შემდეგ.

6.2. ანგარიშსწორების ფორმა იქნება – უნაღდო.

6.3. ანგარიშსწორება მოხდება 10 სამუშაო დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმის მიხედვით რომელი უფრო გვიან მოხდება).

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;

7.2. შემსყიდველი ვალდებულია გადაიხადოს მოწოდებული საქონლის ღირებულება ხელშეკრულების პირობებისა და ვადის გათვალისწინებით;

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულების პირობებისა და ვადის გათვალისწინებით;

7.4. მიმწოდებელი ვალდებულია შემსყიდველს მიაწოდოს დადგენილი ხარისხისა და სტანდარტების საქონელი;

8. ხელშეკრულების შესრულების კონტროლი

8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს შემსყიდველის მხრიდან განსაზღვრული პირ(ებ)ი;

8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისთვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

8.5. ყველა გამოვლენილ ნაკლოვანებათა აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით

9. გარანტია

9.1. მოწოდებულ საქონელზე ვრცელდება გარანტია, სატენდერო დოკუმენტაციის მე-6 მუხლის პირობების შესაბამისად

10. პირგასამტეხლო ხელშეკრულების პირობების შეუსრულებლობისაგის

10.1. მიმწოდებლის მხრიდან ხელშეკრულების 4.1. პუნქტით გათვალისწინებული ვადის დარღვევის შემთხვევაში, მას დაეკისრება პირგასამტეხლო მოსაწოდებელი საქონლის ღირებულების 1% ოდენობით, ყოველ ვადაგადაცილებულ დღეზე;

10.2. ხელშეკრულების 10.1. პუნქტით გათვალისწინებულ შემთხვევაში შემსყიდველს არ ევალება ხელშეკრულების 6.3. პუნქტში მითითებული ვადის დაცვა. მიმწოდებლისთვის თანხის გადახდა მოხდება პირგასამტეხლოს გადახდის დამადასტურებელი საბუთის წარმოდგენიდან 30 დღის განმელობაში;

10.3. ხელშეკრულებით ნაკისრი ვალდებულების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების ჯამური ღირებულების 10% ოდენობით;

10.4. თუ ხელშეკრულების 10.1. პუნქტით გათვალისწინებული პირგასამტეხლოების თანხა გადააჭარბებს ხელშეკრულების ჯამური ღირებულების 5%, შემსყიდველ უფლება აქვს ცალხრივად შეწყვიტოს აღნიშნული ხელშეკრულება.

10.5. პირგასამტეხლოების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით და “სახელმწიფო შესყიდვების განხორციელების შესახებ” დებულების 25-ე მუხლით გათვალისწინებული შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

11.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების შეწყვეტა

12.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

12.4. შემსყიდველის დაფინანსების წყაროს შემცირების ან დაგეგმილი შემოსავლების ნაკლები რაოდენობით მიღების შემთხვევაში (თუკი ხელშეკრულებით გათვალისწინებული ფინანსური ვალდებულებების უზრუნველყოფა გათვალისწინებული იყო ამ შემოსავლებიდან), შემსყიდველს უფლება აქვს შეწყვიტოს ხელშეკრულება;

12.5. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს

მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

13.3. მხარეთა ვალდებულებები და პასუხისმგებლობა განხლდება დაუძლეველი ძალის მოქმედების დასრულებისთანავე.

14. სხვა პირობები

14.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. გამარჯვებული პრეტენდენტის მიერ წარმოდგენილი სატენდერო წინადადება და დანართები წარმოადგენს ხელშეკრულების განუყოფელ ნაწილს.

შემსყიდველი

მიმწოდებელი

რეკვიზიტები

პრეტენდენტის დასახელება:	
საიდენტიფიკაციო კოდი:	
იურიდიული და ფაქტიური მისამართი:	
ელ.ფოსტა:	
საკონტაქტო ტელეფონები:	
ხელმძღვანელისა და/ან ხელმოწერაზე უფლებამოსილი პირის ვინაობა:	
საბანკო რეკვიზიტები	
ბანკის დასახელება:	
ბანკის კოდი:	
ა/ანგარიშის №:	

უფლებამოსილი პირის ხელმოწერა და ბეჭედი _____

ფასების ცხრილი

№	საქონლის დასახელება	მწარმოებელი ქვეყანა	სპეციფიკაცია	მწარმოებელი კომპანია	რაოდენობა (ცალი)	ერთეულის ფასი	ღირებულება სულ
1	თერმოპასტა				3		
2	SSD მყარი დისკი				6		
3	გარე მეხსიერების მყარი დისკი				2		
4	გარე მეხსიერების მყარი დისკი				1		
5	ოპერატიული მეხსიერება				20		
6	კვების ბლოკი				5		
7	კვების ბლოკი				2		
8	დედა პლატა				7		
9	მაუსი				20		
10	კლავიატურა				10		
სულ							

უფლებამოსილი პირის ხელმოწერა
